



Servetsch forensic en il stabiliment per l'execuziun giudiziala Sennhof

Tge è la psichiatria forensica?

La psichiatria forensica en il senn pli stretg s'occupa da dumondas che vegnan tschentadas a la psichiatria da vart da dretgiras e da vart d'autoritads. En in senn pli vast cuvra quest rom quel grond sector, nua ch'il dretg e la psichiatria sa cruschen. Quest sector resulta d'ina vart dals problems giuridics, sche medis, sche dretgiras e sche autoritads ston s'occupar da personas che han in malsogna psichica, da l'autra vart dals problems medicinals e psicologics da questas personas d'agir uschia che quai sa cunfa cun noss sistem da dretg.

Incumbensas dal servetsch forensic en il stabiliment per l'execuziun giudiziala Sennhof

- Stretga collavuraziun cun il servetsch social dal stabiliment per l'execuziun giudiziala Sennhof e cun il medi dal stabiliment. I vegn fatg in barat regular davart la planisaziun da l'execuziun e davart eventualas difficultads che resultan da la situaziun medicinala da las praschunieras e dals praschuniers. Sch'i fa da basegn vegn in'annunzia per in eventual scleriment u per ina cussegliaziun fatga dal servetsch social dal stabiliment per l'execuziun giudiziala Sennhof.
- Tractament psichiatric per praschunieras e per praschuniers. En quest connex sa tracti da terapias psichiatricas generalas, p.ex. cunter depressiuns u cunter malsognas da dependenza (sin basa voluntara).
- Uschenumnadas psicoterapias che s'orienteschan vi dal delict han d'ina vart sco finamira la reduenziun preventiva dal privel da recidivas, da l'autra vart la confrontaziun cun il delict (voluntarain u en il rom d'ina mesira).
- Controllas da scleriment psichiatricas, sch'igl è avant maun in suspect ch'ina tscherta praschuniera u ch'in tschert praschunier haja in engrevgiament/disturbi psichic.
- La redacziun d'expertisas per incumbensa da las autoritads giudizialas, da l'uffizi per il traffic sin via e d'autras autoritads.

Co cuntanschais Vus il servetsch forensic?

- Ils lavurdis per telefon sut: 081 632 22 75 (secretariat) u per fax sut: 081 632 22 76
- Lieu: clinica psichiatrica Beverin, 7408 Cazas